

cundinus ejusdem civitatis Episcopi leguntur apud D. Gregorium Magnum Epist. 71. lib. 1. Indiēt. 9.

MESSANA Plin. lib. 4. cap. 8. hodie *Messina*. Ex ejus Episcopis *Eucarpus* subscripsit Concilio Romano tertio sub Symmacho, & D. Gregorius Magnus scripsit Epist. 38. lib. 1. Indiēt. 9. ad *Felicem* Episcopum Messanensem, nec non ad *Domnum* ejusdem civitatis Episcopum Epist. 35. lib. 6. Indiēt. 15.

AGRIGENTUM Stephano, five Agragantinum Emporium Ptolemæo ubi supra, vulgò *Grigenti*. D. Gregorius Magnus meminit *Gregorii* Agrigentini Epist. 70. lib. 1. Indiēt. 9. & *Eufanii* ejusdem civitatis Episcopi Epist. 36. lib. 4. Indiēt. 11.

PANORMUS Melæ lib. 2. cap. 7. hodie *Palermo*. Urbs Siciliae Episcopalis, ut legitur apud Leonem Magnum in Epistola ad universos Siciliae Episcopos. Divusque Gregorius Magnus meminit *Victoris* Panormitani Episcopi Epist. 70. lib. 1. Indiēt. 9. nec non *Joannis* Epist. 44. lib. 11. Indiēt. 6.

* THERMÆ Ptol. lib. 3. cap. 4. vulgò *Thermine*. *Elpidius* Thermenfis Monasterii Episcopus subscripsit Synodo Romanæ tertiæ sub Symmacho.

† CATANA Straboni lib. 6. hodie *Catania*. *Berillus* primus hujus Episcopus dicitur à sancto Petro ordinatus, in Martyrologio Romano 21. Martii. Meminitque *Leonis* Catanensis Episcopi Divus Gregorius Epist. 70. lib. 1. Indiēt. 9.

§ TRIOCALA, Stephano Tricala, vulgò *S. Giorgio di Triocala*. *Petrus* hujus Episcopus dicitur apud D. Gregorium Magnum Epist. 43. l. 9. Indiēt. 4.

ALÆSA Ptol. lib. 3. cap. 4. vulgò *Caronia*. *Calumniosus* hujus Episcopus subscripsit Concilio Lateranensi sub Martino.

CAMARINA Ptol. ibid. nunc *Camarana*, teste Fazel. *Probus* hujus Episcopus subscripsit Synodo tertiæ Romanæ sub Symmacho.

MELITA Insula Plin. lib. 4. c. 8. hodie *Malta*. ** *Lucillus* hujus Episcopus dicitur apud D. Gregorium Epist. 1. lib. 8. Indiēt. 3.

LIPARA Insula & Civitas Ptol. lib. 3. c. 4. vulgò *Lipari*. †† *Augustus* hujus Episcopus subscripsit Concilio Romano tertio sub Symmacho: meminitque Gregorius Magnus Ecclesiæ Liparitanæ, cujus curam commisit *Paulino*, Epist. 13. lib. 2. Indiēt. 10.

SARDINIA CUM INSULIS BALEARIBUS.

CARALLIS Ptol. 1. 3. c. 3. urbs primaria Sardiniae Straboni lib. 5. & antiquissima Melæ, cui *Calaris* nominatur, lib. 2. cap. 7. vulgò *Cagliari*. §§ *Lucifer* hujus Episcopus legitur apud Theodoretum Hist. Eccles. lib. 2. c. 15. nec non apud Socratem lib. 3. cap. 4. & *Januarius* dicitur Episcopus Metropoleos Calaris apud D. Greg. Epist. 47. lib. 1. Indiēt. 9.

SULCHI Melæ ibid. nunc *Solo*, teste Pineto. *Antiochus* hujus Episcopus passus est sub Adriano Imperatore, ut scribit Fara de rebus Sardiniae: & *Vitalis* Sulcitanus legitur in Notitia Episcoporum, qui Carthaginem jussu Hunnerici Régis venerunt pro reddenda ratione fidei.

TEGU-

NOTÆ.

* *Thermæ &c.*] Paschalis adfuit Concilio Lateranensi sub Martino. LUCAS HOLSTENIUS.

† *Catana &c.*] Ad Elpidium Episcopum Catanensem Rescript. Pelagii Papæ habetur in Collect. Can. Card. Deusdedit lib. 3. cap. 116. LUCAS HOLSTENIUS.

§ *Triocala &c.* Vulgo *S. Giorgio di Triocala*] Maximus Trocalitanus adfuit Concilio Lateranensi sub Martino. LUCAS HOLSTENIUS.

** *Lucillus &c.* apud Gregor. &c.] & lib. 2. Epist. 30. in ejus depositi locum electus Trajanus ex Syracusani Monasterii Abbate, ut liquet

ex Epist. 1. lib. 8. Epistol. Gregorii M. LUCAS HOLSTENIUS.

†† *Augustus &c.* sub Symmacho] Peregrinus Concilio Lateranensi sub Martino. LUCAS HOLSTENIUS.

§§ *Lucifer &c.* cap. 4.] Lucifer alius habetur in Notitia Africana inter Episcopos exulantes sub Hunnerico Vandalo &c. Deusdedit adfuit Concilio Romano sub Martino I. ubi absolute Episcopus Sardiniae Insulae vocatur. LUCAS HOLSTENIUS.